

Awe ta Dia di Luis Vas de Camoes, Dia di Portugal



ORANJESTAD - Portuguesnan semper tur parti di mundo ta wordo respecta pa nan lucha diario, nan union y tambe nan devocion religioso, y tur esaki ta e base pa un Patria bunita y sano.


Tur esaki ta exactamente loke Luis Vaz De Camoes a bin destaca skirbiendo su gran obra *Os Lusíadas*, dedicando na historia di Portugal y e descubrimiento y exploracionnan cu a trece fama y fortuna pa Portugal e epoca.

Un gran poeta Portugues, un soldaat balente y un gran luchado Portugues, cu a keda marca den historia desde 10 di Juni di año 1580, e identidad Portugues a bin haya su gran balor mereci.

Ken ta Luis Vaz de Camões
Luis Vaz de Camões ta wordo considera como e poeta di mas grandi di Portugal y e idioma Portugues. Su maestria di verso a wordo compara cu esun di Shakespeare, Vondel, Homero, Virgilio y Dante. El a skirbi un cantidad considerabel di poesia lirico y drama, pero e ta miho recorda pa su obra epico *Os Lusíadas*, manera menciona ariba. Su coleccion di poesia *Ad Parnasum* di Luis de Camoes a wordo perdi durante su vida. E influencia di su obra maestra *Os Lusíadas* ta asina profundo cu Portugues ta wordo yama e "idioma di Camoes."

Bida

Hopi detaye riba e bida di Camoes ta keda desconoci, pero ta wordo pensa cu e lo a nace rond di 1524. Luis Vaz de Camões tabata unico yiu di Simão Vaz de Camões y su casa Ana de Sá de Macedo. Su luga di nacimiento ta keda desconoci. Lisboa, Coimbra of Alenquer frecuentemente ta wordo indica como su luga di nacimiento, aunke e ultimo ta basa riba un interpretacion discutibel di un di su poemanan. Constância tambe ta wordo considera como un posibel luga di nacimiento: un estatua di dje por wordo haya den e



pueblo.

Camões ta pertenece na un famia original for di e region noord di Portugal di Chaves, cerca di Galicia. Na un edad jong, su tata, Simão Vaz a bandona e famia pa busca rikesanan personal na India, pa muri despues na Goa durante e siguiente añanan. Su mama despues a casa di nobo. Camões a biba un bida semi privilegia y a wordo educa pa e Dominicano y Hesuitanan. Pa un periodo, debi na su relacion familiar, el a atende e Universidad di Coimbra, aunke ta wordo mostra cu e no a keda registra (el a participa den cursonan di Humanidad). Su omo, Bento de Camões, a wordo acreditado cu e educacion aki, debiendo su posicion como un Prior na e Monasterio di Santa Cruz y Canciyer na e Universidad di Coimbra. Frecuentemente e tabata tin acceso na literatura exclusivo, incluyendo obranan clasico Griego, Romano y Latin, tabata lesa Latin, Italiano y tabata skirbi na Spaño.

Camões, manera su amor pa poesia por indica, tabata un romantico y idealista. Tabata un rumor e tempo ey cu el a namora di Catharina di Ataíde, un cortesana di e Reina y tambe Prinses Maria, ruman muhe di Juan III di Portugal. Tambe ta wordo bisa cu un referencia na e rey den su obra *El-Rei Seleuco*, como tambe otro incidentenan por a hunga un papel den su exilio for di Lisboa na 1548. El a biah pa Ribatejo ca-

minda el a keda den compania di amigonan, kendenan a dun'e hospedahe y a dun'e di come. El a keda den e provincia pa mas of menos seis luna.

El a recluta den servicio militar y a biah pa Ceuta den herfst di 1549. Durante un bataya cu e Moronan, el a perde bista di su wowo drechi. Eventualmente el a regresa Lisboa na 1551, un homber cambia, bibando un estilo di bida Bohemio. Na 1552, durante e festival religioso di Corpus Christi, na Largo do Rossio, el a herida Gonçalo Borges, miembro di e establonan real. Camões a wordo encarcela. Su mama a pidi pa su libertad, bishitando ministerian real y famia Borges pa un pordon. Una bes den libertad, Camões a wordo manda pa paga 4,000 reis y sirbi tres año den milicia den Oriente.

El a biah na 1553 pa Goa a bordo di São Bento, comandado pa Fernão Alves Cabral. E boto a yega seis luna despues. Na Goa, Camões a wordo encarcela pa debe. El a haya Goa como "un mama pa tur homber honesto", pero a studia custumbenan local y a inculca den su mes e geografia



local y historia. Riba su prome expedicion, el a uni na e bataya cerca di e Costa di Malabar. E bataya a wordo sigui pa varios pelea banda di e rutanen di mercado entre Egipto y India. E flota eventualmente a regresa Goa na november 1554. Durante e temporada aki na tera, el a continua su scritura publicamente, como tambe skirbi correspondencia pa e hombernan no educa di e flota.

Na final di su servicio obligatorio, el a wordo promovi cu e posicion di suboficial en hefe na Macau.

El a ricibi e encargo pa maneha e propiedad di soldanan perdi y morto na Oriente. Durante e tempo aki, el a traha riba su poema epico *Os Lusíadas* den un grotto. Despues el a wordo acusa di malversacion y a biah pa Goa pa responde na e acusacionnan di e tribunal. Durante



su bialhe di regreso, cerca di e riu Mekong cerca di e costa di Cambodia, el a naufraga, salbando su manuscrito, pero perdiendo su amante Chines, Dinamene. Su sobrevivencia di e naufragio den e Delta di Mekong a wordo mehora pa e detaye legendario cu el a logra landa bay canto, mientras cu e tabata tin den su man e manuscrito di su poema, ainda no acaba. Na 1570, Camões finalmente a bay bek Lisboa, caminda dos año despues el a publica *Os*

den e Monasterio di Jeronimos den e parokia di Belem na Lisboa.

Un fiesta celebra en grandi na Aruba

Dia 10 di Juni 2014 Comunidad Portugues rond mundo ta celebra dia Nacional di Portugal y na Aruba tur Portugues ta celebra e dia aki en grande. E año aki ta di 49 año cu Directiva di Fundacao Social Cultural Portuguesa conhunto cu comunidad Portugues ta celebrando e dia aki.

Ken a cuminsa cu e gran celebracion na Aruba

Dia 9 di Maart 1927 a nace na Portugal Alexander Ventura Quimarems, kende 36 año el a imigra pa Aruba, su ofishi tabata welder of soldador, pero e no tabata un welder comun y coriente, e tabata un artista. E tabata miho conoci pa e homber cu tabata Biba dilanti Elmar. El a tuma e iniciativa pa e tempo ey celebra Dia di Portugal aki na Aruba, hunto cu un grupo chikito di Portugues. El a fayece dia 17 di november, 1993 pero ainda e dia aki comunidad Portugues ta record'e.

Ofrenda Floral

Diamars, dia 10 di juni, lo bay tin e ceremonia protocolario, cuminsando pa 10'or di mainta. Esaki ta di 49 biah cu e colonia Portugues ta asisti na Wilhelmina Park pa haci un ofrenda floral den un forma di aprecio y gradimento di e aceptacion di Aruba cual di un forma total a sa di habri su mannan pa nan, aunke leu nan ta di nan patria Portugal. Manuel da Silva lo dirigi su mes como Maestro di ceremonia caminda canto di himno di Aruba y Portugal lo wordo presenta.

Invitacion personal

Directiva di Fundacao Social Cultural Portuguesa kier haci un invitacion personal na comunidad Arubano y muy especial comunidad Portugues pa asisti diamars na e ceremonia protocolario. □